


बच्चन के ले बाइबिल  
देत है

यशयाह, भविष्य देखन वालो



द्वारा लिखत: Edward Hughes

द्वारा चित्र: Jonathan Hay  
Alastair Paterson

द्वारा अनुकूल: Mary-Anne S.

द्वारा अनुवाद करो गयो:

द्वारा बनाओ: Bible for Children  
[www.M1914.org](http://www.M1914.org)

©2022 Bible for Children, Inc.

लाइसेंस: तुमई जा कहानी को पात्रिका या छापन को अधिकार है,  
जब तक तुम जाई बेचत नाइ हो।



याशयाह एकु भविष्यवक्ता हतो। बाको कामु परमेश्वर  
की बातन कौ लोगन तक पंहुचइबो हतो।



लोग हमेशा परमेश्वर के सन्देशन कौ सुनिवो नाइ चांहत हते, लेकिन याशयाह ने कभऊँ प्रभू कौ नीचो नाइ करो। याशयाह ने चार अलग-अलग राजन

के राज मा प्रचारु करो।




योताम



आहाज

हिजकिय्याह



उज्जिय्याह



राजा उज्जियाह ने यरूशलेम के शहर से यहूदा के देशन पर राजु  
करो। शुरू मा, परमेश्वर ने उज्जियाह कौ बहुत आशीषित करो  
क्योंकि उज्जियाह ने बेई करो जो परमेश्वर की निगाह मा ठीक  
हतो। लेकिन बादि मा उज्जियाह घमण्डी हुई गओ अउरु बाने  
परमेश्वर की बात मनिबो बंद करि दौ। बउ एक कोढी हुई गओ  
अउरु बाई मन्न तक अकिल्ले रहन परो।



राजा उज्जियाह ने 60 सालन से जादा समय तक राजु करो। जब बउ मरि गओ, तब बाको लड़िका योताम बाकी जगह पर राजा बनो अउरु 17 साल तक राजु कत्ति रहो। परमेश्वर ने योताम कौ आशीषित करो क्योँकि बाने यहोवा की चितउनी कौ सुनो जो याशायाह अउरु दुसरे भविष्यवक्तन से परमेश्वर बाई बताऊति हतो।



राजा योताम को लड़िका आहाज हतो। जब आहाज 20 साल को हतो  
बउ राजु कन्न लगे, अउरु यरूशलेम मा सोलह साल तक राजु कत्ति  
रहो। आहाज ने परमेश्वर की कोई परवाहि नाइ करी। बाने मूर्तिन अउरु  
झूठे देवतन की पूजा करी, अउरु अइसोई  
कन्न के लै परमेश्वर के अनेक लोगन कौ  
प्रेरित करो। याशयाह ने बाई चितउनी  
दइ, लेकिन आहाज नें परमेश्वर की  
चितउनी कौ नाइ  
सुनो। केवल  
35 साल की  
उमरि मा  
बाकी मउत  
हुई गयी।



परमेश्वर ने दुसरे राजा हिजकिय्याह कौ बहुत आशीषित करो, क्यौंकि बाने सब मूर्ति अउरु झूठे देवतन कौ हटाई दौ, अउरु सच्चे परमेश्वर से दुआ करी। जब एक दुश्मन सेना ने यहूदा पर हमला करो, हिजकिय्याह जांति हतो बाकी सेना जीतन के लै बहुतई कमजोर हती। बाने याशाय्याह से निवेदन करो कि परमेश्वर से मदति के लै दुआ करउ।






याशयाह ने राजा कौ जउ संदेशो पठौ “यहोवा अइसे कहत हंइ ; तुम जा दुश्मन से ना डराऊ ... हम बाई हरउन के लै बेबश करीं...” जाके तुरंत बादि, परमेश्वर ने अइसोइ करो कि दुश्मन सेना हिजकिय्याह से बिना लड़े भाजि गयी।




जबकि बाके  
आसपास  
के लोगन ने  
परमेश्वर के बारे  
मा कछु जादा  
नाइ सोची,

लेकिन याशयाह बाके बारे मा  
बहुतु सोचति हतो। एक दिन  
बाने एकु दर्शन देखो शायद  
बउ एक सपने की तरह  
हतो जो हम जगत पर  
देखत होंइ। दर्शन मा,  
यशायाह ने देखो, कि  
यहोवा परमेश्वर  
कित्तो पवित्र  
अउरु महिमा  
से भरो  
भौ हइ।



दर्शन मा परमेश्वर ने पूंछी,  
“हम किसइ पठबइं?” याशयाह  
ने कही, “हम हिंआ हंइ। हमई  
पठबउ।” परमेश्वर जो कुछ  
चांहते अउरु जहाँ कंहू पठउते  
यशायाह तइयार हतौ।



शायद याशयाह जा सोचति हतो कि परमेश्वर दूर – दूर के लोगन के तीर पठइ जो बाके बारे मा नाइ सुने हंइ। लेकिन नाइ परमेश्वर ने अइसो नाइ करो। परमेश्वर ने यशायाह कौ अपनेइ देश मा अपने ही लोगन से बात कन्न के लै कही। बाई उन लोगन से जा कहिबे हती कि परमेश्वर उनके पापन के मारे उन से गुस्सा हते।



दूसरिअउ बातइं हतीं जो यशायाह कौ अपने लोगन कौ बतइबे  
हतीं - बा आदमी के बारे मा बइ अचम्भे की बातइं, जो उनइ पापन से  
अउरु उनके दुश्मनन से बचाउन के लै एक महाशक्तिशाली उद्धारकर्ता  
अइही। यहूदी लोग जा आदमी कौ 'मसीहा'

कहत हते। जबकि बइ  
जान्त हते कि  
परमेश्वर उनके  
लै मसीहा  
पठइही तंहुँ  
बइ अइसे  
जियत हते



मानउ कि  
मसीहा कबहुँ  
अइई  
नाइ।




यशयाह ने यीशु  
मसीह के बारे मा जो  
कुछु कही सब  
बातइं बा किताब  
मा लिखी हंइ।  
हालाँकि, बाने इन  
बातन के होन से  
सइकन्न साल पहिले  
लिखो हतो, लेकिन  
यशयाह ने यशयाह  
ने जो कुछु यीशु  
मसीह के बारे मा  
कहो हतो बउ सबु  
कुछु साँची भौ।



यशायाह ने कही की  
परमेश्वर खुदइ एक  
चिन्नु दिहीं। बाने कही,

“देखउ एक कुमारी से  
एकु लड़िका पइदा हुइही बाको  
नाउ इम्मानुएल धरो जइही।” लोग जांत  
हते कि यशायाह परमेश्वर के मसीह के  
बारे मा बात बताऊति हंइ क्योंकि  
उनइ पता हती कि एक अउरत  
ना तउ कुमारी हुई सकति

अउरु ना बच्चा पइदा करि  
सकति हइ। इम्मानुएल नाउ  
को मतलबु जहो हइ कि,  
परमेश्वर हमारे संग हइ!





“क्योंकि हमारे लै एकु बच्चा पइदा भौ, हमइ एकु लड़िका दौ गओ हइ; अउरु प्रभुता बाके कंधन पर हुइही, बाको नाऊ अद्भुत युक्ति कन्न बालो, पराक्रमी परमेश्वर, अनंत काल को पिता अउरु शांति को राजकुमार धरो जइही।” यशयाह कौ भरोसो हतो कि परमेश्वर के सब बइदा पूरे हुइहीं, बाने अइसे बताई कि जइसे बात पहिलेइ हुई चुकी हती। जाई घटना कौ भविष्यवाणी कहत हंइ।





यशयाह ने बताई कि मसीह महान हुइही अउरु बड़े – बड़े काम करिही। परमेश्वर ने यशयाह कौ जोहो बताई कि मसीह दुखन कौ उठइही अउरु मारि डारो जइही। यशयाह चकित भौ हुई कि मसीह कइसे महान, शक्तिशाली अउरु बाई समय मा कमजोर अउरु घायल हुई; जउ कइसे हुई सकति हइ। लेकिन यशयाह ने परमेश्वर के संग बहस नाइ करी – बाने सिर्फ परमेश्वर के कहन पर बाई बात कौ दोहराओ। परमेश्वर अपनी भविष्यवाणी कौ साँची करिहीं।



यीशु मसीह खाली यहूदी लोगनइ के लै नाइ आउत हते । परमेश्वर ने यशायाह कौ बताई कि मसीह “सब जातिन के लै एकु उजीतो हुइहीं।” दुनियां भरि मा सब जाति बइ लोग हंइ जो यहूदी नाइ हंइ। परमेश्वर सबसे प्रेम कत्त हंइ अउरु उनके जइ मसीह सबको भलो करिहीं अउरु धत्ती के छोर तक उद्धार कौ लइहीं।



यशयाह, भविष्य देखन वालो  
परमेश्वर के वचन से बाइबिल की एक कहानी  
में पायी जाती है

यशयाह १, ६, ७, ९, ५३

“तुमहोर शब्द के प्रवेश से रोशनी मिलत है।”

भजन ११९:१३०



समाप्त



जो बाइबिल काहानी हमई हमारे अद्भुत परमेश्वर के बारे माँ बताउती जिनने हमई बनाओ और जो तुमोह उन्हेई जानो।

परमेश्वर जान्त है हमने बुरे काम करे हैं, जिहने वे पाप कहात हैं। पाप की सजा मृत्यु है, लेकिन परमेश्वर प्रेम करते हैं जिन्ने अपनों इक लौतों पुत्र यीशु को भेज दौ, क्रूस पर मरन के लें तुम्हारे पापों के लें दण्डित भये। फिर येसु जीवन मां वापस आई गये और स्वर्ग के घर मां चले गये! अगर तुम यीशु पर विस्वास करत हउ और अपने पापों की छमा मागन के लें उनसे पूछत हो, तो वह ऐसो करी! वो अइ और वोह तुम्हारे संग रही और तुम हमेशा उसके संग जीवित रहीओ।

अगर तुम्हे लगत हइ की जा सच हई तौ जा परमेश्वर से कहः  
प्यारे यीशु, हमे विश्वास हइ की तुम इश्वर हो और हमारे पापों के लें मरन बाले ब्यक्ति बनी गये हो और अब फिरसे जी उठे हो। कृपया हमारे जीवन म आई के हमारे पापों को छमा कर देओ। ताकि हमारो जीवन नओ हुई सके।  
और एक दिन तुम्हारे संग हमेशा के लें बने रहे। हमें आज्ञाकारी बनन के लें और तुम्हारी संतान बनन केलिए मदत करो।

बाइबिल पढ़े और हर एक दिन परमेश्वरी से बातें कराओ! यूहना ३:१६

